

書

姑溪居士後集卷八目錄

律詩

讀東坡詩

次韵見寄

罷官後旋營居舍寄贈存之

次韵見問

五月旦日

晚雨寄涇州劉晦叔

端午二首

傅子昌歸興州



余入院二十日相知往往寄聲相勞獨何德固寂然無聞

留別子淵

送馮子庄赴奏州將官述其督詩之語以廣篇首

重治寢榻更衣蔬食

周臣約道景裕第會飲

次韻題隱居巖

次韵見懷

次韻病起

次韵子椿見寄

次韵子椿同閑聖源吳思道贈董無求有懷米元章

次韵思道子椿題仲強樗亭

次韵子椿九日登高見懷

次韻閑聖源送董無求

次韻聖源無求兼懷元章

次韻思道送董無求兼寄思道

和人臘日

題壽春軒

次韻米元章

仲容季澤遠來相訪感往念今悵然有懷

書王子重開軒壁

同子重望長蘆寺

陪子重游長蘆寺

德山方老退院索詩送行即席口占

朱伯宣才英昆仲見過曲相慰藉因留飲得花字

題僧道符天游齋

姑溪居士後集卷八目錄

姑溪居士後集卷八

趙郡李之儀端叔

律詩 七言

讀東坡詩

邊州守禦謝沈機獨喜身閑是道師獄吏難堪非素料病懷無  
計復何辭空慙南郡三家學賴有東坡一集詩永日風埃惟愜  
睡到頭不比在家時

次韵見寄

矩難成方圓難規倦途誰與相多儀門深不擬睡教熟舌強猶  
防語或枝無事且尋黃面老關心休問碧雲姿此身未必終如

此 日猶吟十首詩

東坡流落坐多言我欲無言亦未全好辨懸知非獲已力行到底信為賢抱琴有味無彭澤沽酒何妨問玉川只擬飲呼出門去強糜置網豈當然

罷官後旋營居舍寄贈存之

常恨官居傳如舍愛君池館葺初成偶因罪垢歸無計聊喜私巢得暫營闢戶開窓留晚日栽花引水趁新晴此身何處不可老况有吾人侶弟兄

次韻見問

東西南北為誰忙蔡澤欽吟舊笑唐路斷不妨頻打睡心清何必更燒香尋思有侶黃州味潦倒休嗟白髮郎近免竹筒拘月費主人時亦破堅囊

五月旦日

睡餘落莫肘難支節物依然我自哀已悟龍蛇終不與何須龜筮強稽疑孤懷佛語雖能遣歸路佳人已歎遲共吊沉湘無數日却嗟輕負習家池

晚雨寄涇州劉晦叔

晚來又有數點雨聲入鄉人拭淚中漸喜濃雲初蔽日只愁深夜却回風悶憐焦禍非無意祈禱精虔信有功聞不如筆幾兩月使君憂樂與民同

端午

絲絲百縷紉為佩艾葉千窠結作人散勝何妨見女戲漂流不  
覺歲時新清歌尚記書裙帶舊時安能吊放臣角黍澄團矜節  
物一樽聊與寄逡巡

曾約佳人端午歸又期僚友面南池誰知猶阻重門鎖未擬輕  
為故國悲九節菖蒲應好在十圍檣木正相宜微行細約寧忘  
我却話今朝會有期

傅子昌歸興州

嘉陵江水接天流州據江流最上游憶昔練衣隨跋馬而今白  
髮任虛舟慶門舉望聞未久寒路殷勤得暫酬見說明朝却西

去長亭揮手恨無由

余入院二十日相知往往寄聲相勞獨何德固寂然無  
聞

何郎本是風塵外平日仍同般若因有底新來便如此定緣何  
事不相親薰猶何得同簷蔔簡潔安能別孟津會借天河三級  
浪終湏流出舊精神

留別子淵

等閑相見即相親冉冉風流一段春未論典刑思舊德便知材  
業是當仁他年雞黍情無限此日詞章筆有神落盡節旄瓊未  
本塵疾風勁草定何人

送馮子庄赴奏州將官述其督詩之語呂廣篇首

我詩易得君休嘆君節難攀我自知問會但嗟歸有日奏功方  
看獨先時蕭笳部曲催驕馬錦繡山川入綵旗莫訝黃金偏滿  
手平生是男兒

重治寢榻更衣蔬食

五月相將又下旬依前深院度黃昏頻看領路占家信旋見簾  
旌作燕門斗數衾裯防垢穢湔除蚤虱斷見孫不因肉食脾難  
磨且欲從今習菜根

周臣約過景裕第會飲先寄此詩卒章因呂投誠也

懸知昨過鄰家館更挽明璫間玉釵雖喜黃姑論隔歲偶陪摩

詰事長齋嘯歌未闕雲間接鶯燕難逃席上猜預恨醒、獨回  
馬何如為賦酒如淮

次韵題隱居巖

隱居何必在山巖境界全歸指頰間能把軒裳為外物便應風  
月勝醜顏地連紫禁千重邃石繞清泉五色班從此夢魂猶可  
到定知哀廢不容攀

次韵見懷

林泉廢疾固難除杏、觚稜寄夢餘已謝東山知不免須田北  
海本來踈功名謾笑乘軒鶴事業終歸種樹書聞道江樓巢已  
穩未應長缺歎無魚

次韵病起

天時人事不相尋，遽食蒸豚廢古吟。雖感親顏前約短，常知聖  
日後緣深風雲疊。天邊路霜露惜，壁上琴我亦臨風頻拭。  
目者懸金印到山林。

次韵子椿見寄

一逢佳節一消魂，青徹江山綠滿園。又把鋤犁聊自遣，却嗟身  
世獨難論。三鍾切幸資三徑，九奏時猶夢九門。勝處何能偏見  
憶，便應佳思襲香蓀。

次韵子椿同閔聖源吳思道贈董無求有懷朱元章

海嶽仙人不我期，碧雲幽恨獨心知。坐間優孟已難別，筆下羊

欣更出奇。自是人才空立異，當知臣叔本非癡。重輕到了存公  
議，揮扇何勞強執葵。

次韵思道子椿題仲强樗亭

王門平昔早相求，幾向樗亭得趣幽。從別風光應似舊，每懷勝  
麗只搔頭。塵毛抗論傾終日，玉指按花泛晚秋。老盡鄒陽還憶  
否，客移空自感藏舟。

次韵子椿九日登高見懷兼呈君俞相約尋春

重陽曾記客京埃，江國相逢又七回。感舊只如春夢斷，登高未  
許壯心摧。方嗟陳迹何時見，底事新詩到眼來。便好扶携披節  
物，猶勝落木對空壘。



次韵関聖源送董無求

何勞楚些為招魂是處春風侶辟園可復京塵難共樂却應江  
月要深論燈花昨夜占行館鵲語今朝報里門想見慈顏問行  
李一樽浮蟻侑初孫

次韵聖源無求兼懷元章

羨門不見之安期流水高山獨我知門臬踏穿行復甬靈丹採  
活信能竒換雖得辨纔三紙借恐終還是兩廢不用艱難成發  
塚紅樓親共賦烹葵

次韵思道送董無求兼寄思道

翫穢從來不易傳低徊身世六悠離群斷鴈雖難偶得兩明  
珠豈待求強挹餘塵時琢句問尋陳迹自經丘清時醉尉知何  
在侶是人多識故侯

和人臘日

又聽村村臘鼓鳴年豐物阜慶清平星霜陡覺歲華晚時序祇  
傷今古情裝景雪花飛點點催詩雲葉亂英英自慚伏臘尤多  
誤和語煩公子細評

題壽春軒

江左風流不乏人能將佳思洗埃塵坐中煒燁當時士庭下扶  
疎上古春日永清陰怒鵬翼月明翠影開龍鱗雲泥路絕無由  
到猶欲乘槎一問津

次韵米元章

蹭蹬生涯可否間，強扶衰緒欲觀瀾。  
蓬生雖託麻方直，器就寧嗟木是蟠。  
晚寄鄉閭端有謂，時容雞黍共論歡。  
連城未薦誰非璞，莫與堅珉一眼看。

仲容季澤遠來相訪感往念今悵然有懷

異鄉流落十三年，老日從誰寄往還。  
久嘆斷蓬飄世外，忽驚連壁下雲間。  
生涯已約同他日，詞筆端能慰整顏。  
准擬新秋便相見，為君終日倚柴關。

書王子重閑軒壁

經年問疾謾持想，今日登軒念自空。  
不能碌碌遽如許，定應剪剪將無同。  
人喧渡口作瓜步，木落沙頭疑渚宮。  
莫辭眼力徧沙界，回首臘盡還春風。

同子重望長蘆寺

窳堵波寒對水東，坐來初報夕陽鐘。  
回環椽栝疑無際，咫尺雲烟隔幾重。  
聽講有心陪寂寞，杖藜何日許從容。  
主人境界諸緣盡，應笑規規着畫籠。

陪子重游長蘆寺

行來思住覺城東，粥飯隨緣早晚鐘。  
安得心田荒萬有，便驚眼界失千重。  
笑談喜接真摩詰，哀病休嗟老曼容。  
餽飲殘羹應不惜，聊分水墨為成龍。

德山方老退院索詩送行即席口占

應供都城今幾春  
屢陪香火是前因  
偶來清澗堤邊住  
重見東林社裏人  
青眼畧容談近事  
白頭同喜得閑身  
自言此去尋思大  
便好乘時繼後塵

朱伯宣才英昆仲見過曲相慰藉因留飲得花字

新春窮巷幾傷嗟  
聯壁俄來照蔀家  
意厚旋傾新釀酒  
眼明初見未開  
花百尋自是松  
難老十襲終慙  
玉有瑕便覺賦  
成無用處漫勞  
憔悴歎長沙

題僧道符天游齋

六鑿相攘不整休  
超然誰復與天游  
醯雞甕裡自歌舞  
野馬塵間空贅疣  
妙處境界從拈處  
得生涯須向箇中  
求逢場作戲由  
來事可笑區區問  
觸髅

姑溪居士後集卷八終

姑溪居士後集卷九目錄

律詩

除夜寄王性之

又寄性之二首

聽惠師琴

春日

覺老求詩

覺老見和復次韵報之時雨行未得

真師約過寄老菴雨不止兩日不得往

次韵陳致君題硃砂湯

同祖燈過陳氏書齋

石磧朱希仲館穀甚勤因題壁間

清涼寺覺海召飯出數帖相示覽之愴然求詩為記

崇寧求詩時正初老住為初祖

范倅置酒雨花臺

寄趙仰上

次韵邦老見貺

宿無錫壽聖院贈明祖禪老

元白挈舟相訪

同熙績姪登有美堂

錢塘教授宅節眠齋次其韵

次韵錢塘節士見寄

阿濫堆二首

食牛肉

元祐末宿秋試院曾和王敏父四詩是時以疾先出院

方欲出而未得沉味有類今日迨用前韵再賦四首

若禊告行再寄二詩

陽翟道中有懷存之二首

次韵梅花

智臣相遇成小詩

瑛侍者欲再游方作此勉之

姑溪居士後集卷九終

姑溪居士後集卷九

趙郡李之儀端叔

律詩七言

除夜寄王性之

老恋寤年怯五更可堪爆竹響新聲但驚燈火如殘夢豈有心  
情敵後生錫競膠牙空對白酒期分歲獨憐清賜袍應有天香  
在想見明朝奉九成

又寄性之二首

霜髯雪鬢十分侵舉盞常思醮甲深雖約依劉同漢上猶虛訪  
戴佐山陰文章歆向傳家日事業韋平夾世心冰玉相輝方自

表何妨佳思屢追尋  
平日鵷鷺接武中  
汪汪每嘆不能窮  
暫煩朱轂圖遺愛  
方信清時是至公  
千載難期人物盛  
一時休嘆馬群空  
何妨坐歎追陳迹  
應有新詩襲素風

聽惠師琴

牛鬪淹時兩耳昏  
偶陪沈祝共僧軒  
數聲抑按披香霧  
雙屨分明在曉原  
物節不堪催我老  
賞心聊復為誰論  
初年記得山陰舊  
又見夷中幾世孫

春日

芊芊芳艸皇中迷  
傳火樓臺雨日西  
飛絮輕翻遮柳陌  
落花亂點暗桃溪  
琉璃波淨沈魚素  
玳瑁簾疎阻燕泥  
百五良辰最惹舊  
絲陰行馬過鶯啼

覺老求詩

江南江北久相望  
常負靈山一炷香  
會上拈花雖未笑  
坐中持鉢頓生光  
投針技倆空諸有  
彈指莊嚴自一方  
何必湯池能離垢  
入門心地已清涼

覺老見和復次韻報之時雨行未得

去隴回岡翼兩傍  
舊緣未結鶴林香  
隨時解致留客雨  
涉世圓能出定光  
運用投機疑有象  
縱橫垂手固無方  
倦遊累接通宵語  
時覺楊枝洒面涼

真師約過寄老菴雨不止兩日不得往小霽輒涉淖  
呂契前約次其所示韵菴壁有孫華老秦少遊劉貢父  
諸君詩

一接深言一點頭離騷致處未為幽不嫌壞路容連少且欲他  
年作舊游翰墨抑揚雖已晚林泉棲止會終收孤雲祇恐元無  
定候我歸來共此丘

次韵陳致君題硃砂湯

造化工夫豈偶然一池如沸自澄鮮論功但可資沐浴有理不  
須深定研流落未妨供淨社升沉何用較温泉更宜場稼猶能  
就凡占餘波盡美田

同祖燈過陳氏書齋主人留飯遂求詩

一牛吼地得林垌邂逅經行眼暫明挾策讀書雖未暇殺雞炊  
黍喜相迎依々高柳來棲鵲炯炯黃花弄晚晴自是主人能好  
事非關秋日解多情

石磧朱希仲館穀甚勤因題壁間

主人好客久聞名曾約江魚對酒烹邂逅相逢同一笑逡巡不  
覺到三更屠龍手段元非策畫虎工夫浪有聲便欲與君論卒  
歲却憂舟子報潮平

清涼寺覺海召飯出數帖相示覽之愴然求詩為記

潮去潮來知幾年依然城郭帶山川連虛玉骨元如虎布地金



沙種舊蓮垂手昂開香積供傳家仍是乳峯禪珠庭月角人何在賴有遺蹤契宿緣

崇寧求詩時正初老住為初祖

烏衣人物已成空宰堵終能記寶公請祝驟開新福地全堤還振舊家風千巖日上春初到萬里雲收月正中欲識投機無意盡江流入海幾時窮

范倅置酒雨花臺

流傳勝致有無間投老方能一倚欄千里江山未極目萬家烟雨鎖初寒姦雄幾許埋秦莽笑語何妨擁蕙蘭便覺寸陰真可惜須將酒戶為君寬

寄趙仰上

傾蓋逢君亦偶然頃篋今日似當年仙風宛是金華舊詩句分明歷水傳故國江山聊徙倚深燈歌笑屢遷延相思果許重相見豫約嚴裝報此緣

次韵邦老見貺

高風疇昔在烟霞末路芝蘭屬當家一句轉身元的確千條差路任紛華才踈意廣雖難契語款情真特見加只恐平明便分手相看更待月西斜

宿無錫壽聖院贈明祖禪老

靈山相別已多年重把圓光信有緣愧我天涯真斷梗喜君居

寶洲齋  
處侶諸天元無浮世多般事只說我家一味禪軟語綢繆霜夜  
永停燈温火共留連

元白擘舟相訪出紙求書因書此呂端其紙

小蓬不識遠相尋頓喜忘年得斷金便覺雨華隨脫塵更能操  
筆問來禽投懷方寄未弦真直搵袂還金驚白髮深獨幸南遊  
慰真賞他年會見好叢林

同熙績姪登有美堂

雪晴時節臘窮天湖海光浮萬井烟勝槩尚能驚老眼曠懷無  
復似當年難堪塞鴈終聯翼賴有龍駒特象賢已約一廛須卜  
築不妨當此共遷延

錢塘教授宅餽眠齋次其韻

饑時齒飯困時眠任運騰々信自然豈謂故人投此况先來佳  
處作閑先仙寓懷何必開三徑得句勝如食萬錢只恐里門驚  
內史不容同佔好山川內史見石建傳

次韻錢塘節士見寄

平日剗心欲致君異時攜手但論文興來只有歸田賦老去何  
如背水軍占勝已驚無不盡卜鄰應許鎮相温形容豈敢輕酬  
酢傳謝風流自出群

阿濫堆二首

鐵作驕幢不易催望林誰免渴趁梅院門報鑰人初斷天氣總

陰日又開倦路已先良鬢雪思家難遣寸心灰衝風正起還飛  
下何物元非阿濫堆

年來未覺壯心催昨袒偏傷三弄梅不貫離家遽如許自然昏  
眼六塘開蕭條寂寞思檣陰細繹華嚴謝劫灰少味童山莫分  
別真須直峭比離堆

### 食牛肉

西來誰為肉牛心惜事拘文不敢尋豈謂鄰邦無百里驟令餽  
口得千金登臺未論前人比捫腹翻驚用思深從此來陽休吊  
古便思白酒與同斟

元祐末宿秋試院曾和王敏父四詩是時以疾先出院

方欲出而未得沉味有類今日追賦前韵再賦四首  
堦除又見日將斜若此奔馳尚可誇敢覲陰功鐘定國未應和  
藥因王嘉門前禱雨頻催鼓眼底無人但見花不比貢闈當日  
鎖病來有許便還家

兼材莫作伊翁歸自鬻崎嶇不畏非妾役土龍寧得雨可堪芻  
狗強滕衣移文不報如沉井行路皆疑鎮掩扉早悟垂頭供立  
杖好隨四牡去駢駢

沉沉深鎖出無涯白盡于思豈復華准擬歸期叩端午那知此  
地見葵花幽憂未論如陰府倏忽翻驚走電車久病元來最欺  
眼蠅頭只覺侶棲霞鴉

十年三拜東門教長是尋燈濯汗裾贏得平安題報曆不妨朋  
友校殘書未引試前與城父相對校書歌傳鵲鼠非行露詠入烏狐愧大車  
物物背馳將老矣定知身世欲何如

若禔告行再寄二詩

前日報君明日行強憑詩句寫離情懸知比海經旬別須滯韶  
山半日程環席已甘挽上首餘罍應不負同傾預期一笑東門  
外剩記樽前醉裏聲

醉裏新聲解記無祇應琴意似相如近來公道偏難得從此佳  
期敢忘圖玉室金堂有阻隔兔葵燕麥恨扶疎冥鴻不比尋常  
鴈試覓蕭娘一紙書辛章伐子直意

陽翟道中有懷存之二首

頑陰將臈襲衣襟倦轡臨風愧白頭一事無成遂歲晚百年過  
半尚人謀天邊謾鑄黃金印月下何時紫綺裘擬借東鄰分一  
徑未應人物謝羊求

夕陽風裏得君心常約清香帶月尋紅萼佞披經幾嗅綠條如  
弄已難禁野狂不慣娉婷醉蓬鬢偏宜蓓蕾侵佳擬歸時更浮  
動瓊樽寧謝十分斟

次韵綵卷

送臈迎春亦是常獨高梅蕊報年芳風來彷彿蓬荀令月下分  
明見壽陽間徧謾誇千種韵天然別是一般香從今漏泄東君

意直到霜前菊蕊黃

嶺上纔分一寸光  
群花次第促來粧  
絕勝群玉山頭見  
須信昭儀體自香  
妙賞不逢徒老去  
佳期難得為誰芳  
定應痒處無人會  
空怨相邀客姓王

智臣相遇成小詩

紺髮朱顏氣吐紅  
崢嶸頭角振家風  
千金自悔邠王後  
一笑時游管郭中  
老子已應終汨沒  
諸見聊為指窮通  
他年朱紫相輝地  
莫惜高軒訪此翁

瑛侍者欲再游方作此勉之

精神秀發真獅子  
聳壑昂霄侶出林  
學竹有聲先了悟  
拈花微笑已知音  
新詩舊健疑攜錦  
妙字清奇不換金  
往々秋高又飛雪  
錫白雲來去本無心

姑溪居士後集卷九終

姑溪居士後集卷十日錄

律詩

有送梅花者而彥行適在君俞來

失題九首

聞葬者

過蒲池寺謁田承君

子重見過夜話

三家店早飲

次韵真師移植新竹

宿湯泉示真師二首

寶洲齋  
朱希仲設榻溫密與直師榻相對明日雨止送過金陵  
真師自湯泉相送至石磧遂歸索詩為別

石磧阻雨夜分睡覺枕上

遊石磧寺

茅山道中抵暮投一客邸甚素雅

除夜小舟中雨不止而作雪

腰痛醫者饋藥

燈下試婺源楊生筆和韻

江上獨坐

書崇寧觀王道士火櫃壁

同趙德麟宿長河堰僧房

大觀四年二月二日自采石過藏雲

書長干僧房二首

姑溪居士後集卷十目錄

姑溪居士後集卷十

趙郡李之儀端叔

律詩七言

有送梅花者而彥行適在君俞來

來時點滴總彷彿今日爛漫將飛揚春事不知尚多少客懷空  
自成悲傷新名候喜足詩思舊病維摩難藥方共飲節食冷相  
對少須陳子同飛觴

失題九首

結束輕裝趁曉風崎嶇行李偶難同他年誰謂變成老今日翻  
為無是公祇恐穰侯遲見事固應原憲本非窮洛陽烟靄因緣



在雞黍相期定不空

上番新梢與舊齊  
啄殘紅腐半成泥  
盡舩侶覺去已晚  
麗句猶堪手自題  
氣候相催雖迅速  
笑歌贏得暫招携  
紅舒綠卷紛前後  
全勝當年白集西

君方陵愈我慙郊  
大瓠為舟浪自要  
老矣獨期雲駛便  
歸與長負桂叢招  
淨嶸紅橘迎風客  
點滴安榴掠望燒  
多謝 萌滋永味便思飛步到楊寥

桂禽百轉不驚風  
午日濛濛睡眼中  
幾片猶飛殘臘白  
數枝初見出墻紅  
低徊節物憐遷客  
漂泊生涯難老翁  
多謝春光相擊拂  
一樽傾倒許誰同

窺豹曾容見一斑  
孤高凜凜固難攀  
早應拔宅朝元去  
猶有遺踪在世間  
舒欵談雖可想  
賞風吟月未終閑  
諸郎莫為功名老  
須信移文下北山

映月臨燈萬萼披  
喜隨賓客燕芳菲  
諸姨隊合驪山曉  
獵騎夜從雲夢歸  
須把玉觴酬勝麗  
徒勞彩筆強依稀  
回頭便見飄紅雨  
莫惜頻歌金縷衣

映月西湖漾鴨頭  
隨紅飄日正飛浮  
逢師來自日邊路  
如我遂歸江上州  
嵩嶺異花開未遍  
洛城新燕語方柔  
經行須作半年計  
歸去當知難再求

薄雲疎雨洒雕籠  
槎拂銀潢月上弓  
紅淚半殘歌後燭  
翠濤低

湧夢回風淬餘劍鋸雖為利解盡犀秣未見通杳杳芝田定何  
許斷魂無計晚驚鴻

華根曾記孔鸞棲斷夢還來拂舊題妙悟從誰識無射賞心空  
自感雌霓千雲寶氣層霄外埋玉孤墳落照西千載相逢定何  
許嗚々風雨獨鳴雞

聞葬者

鏡鉞高低與哭聲同尋此路不相驚年來自是多傷感簾外何  
須問晦明未返耕桑真拙計長縈韉鎖奈虛名無名可戀何貪  
着餅齏須休莫強傾

律詩 五言

過蒲池寺謁田承君

蕭寺經行舊騷人趣尚幽從來不妄許相見苦為愁稅駕終何  
地乘桴可共舟感君詩有味老去復誰求

子重見過夜話

坐久日將落窓前雲欲平倦遊淹歲月旅悶等坻京已謝長楊  
賦猶懷古劍行擁爐雖有味琢句苦難成一笑逢吾友諸方舊  
著名景山慙絕贖擊節愧深耕奧妙窮三際堅剛敵萬兵誰知  
俯冬杪頓覺得春榮繾綣桑榆恨間閔見女情金篋何足道闔  
室丰光明

三家店早飲主人侶喜余至而庭下殘花猶在也酒客

輒見避余固止之因得攬其醉態

再過三家店還投舊酒壚重攀紅躑躅爭認白鬚鬚所惜自怕  
東無因同拍扶他年遂卜築終為伴歌呼  
醉人休見避我恨未如君到了輸他樂何須強自分稻梁姑取  
足雞鶩謾離羣上馬衝寒去回頭愧壘雲

次韻真師移植新竹

錦棚方有託粉面轉相疑漸露凌雲節微分弄月枝高僧開檻  
賞野客帶沾移只恐成龍去空來歎此時

宿湯泉示真師二首

睡美不覺晚蛻然猶戀床未能忘夜旦已自懶衣裳供佛添新

水持經續舊菴不知門外路何事有歸艤

粥後復就枕夢中還在家老身知自妄病厭事如麻斷覺同芻  
狗終當悟寶車何妨薦直去細啜趙州茶

朱希仲設榻溫密與真師榻相對明日雨止送過金陵

居士留我宿虛堂照一燈如逢永平夢仍對竹蘭僧彷彿三無  
愠間閔百不能平明失簷溜飲喜話金陵

真師自湯泉相送至石磧遂歸索詩為別

流落不我棄如君能幾人寧辭迂驛路且喜慰情親  
踏踏還逢雨因循懶問津尤慙遠相送誰謂白頭新

石磧阻雨夜分睡覺枕上

寶琳齋  
一夜雨不止渡江還不能誰知未歸客獨自對孤燈祿食強作  
主生涯端是僧都來如一夢隨處且騰

遊石磧寺寺僧以牌求詩

花石鎖風烟軒楹半是山門連虎溪路橋接趙州關屈曲深疑  
步高低屢解顏却應多事夢不伴此身閑

茅山道中抵莫投一客却甚素雅主人喜客乃一善士  
為待至厚既留別留此致謝

客緒如絳繭山行侶踏車方疑武陵宿宛是德公家傾蓋君何  
厚論心我可嗟祇應從此別去路隔雲霞

除夜小舟中雨不止而作雪寄德麟

醉吟今何在寒燈倍黯然却應聽雨夢猶是散花天老境不自  
得客程誰我憐曉鐘催去路明日又新年

腰痛醫者饋藥呂酒為使命酒對燈欲飲不能

我固不喜酒醉中常獨賢不辭譏謔落祇恐負妖妍迹類懷沙  
悴心馳濁世翩空樽聊口誑繼畧漫膏然未分窮投魏長思  
夜刷燕蛇驚元有影蟻慕本無羶兀坐疑痴鶴忘形已蛻蟬滄  
溟雖可徑何意逐鯨鱣

燈下試婺源楊生筆和韻

跼蹐數椽內回旋頻步中艱生乃至此吾道得非窮詢鞠元無  
術行移底是功可堪追兔鼠強學注魚蟲未壓朝蘆綠生憎衣

燭紅呻吟慙社老感慨謝終童奏剡何時發微連幾日通親知  
遙悵望應是轉哀翁

江上獨坐

春至猶飄雪江寒未有魚無人慰青眼盡日對紅爐瑟瑟窓頻  
響啞々鳥強呼潛然不自覺豈待到窮途

書崇寧觀黃道士火櫃壁

地肺聞名久崇寧請祝初仙家豈與廢物理自乘除羽客論歡  
舊紅爐勸坐棋斯須竟何有聊復慰窮途

同趙德麟宿長河堰僧房德麟遣相送至此且約明春  
再相會有詩見及次其韵

泔泔一夜雨皎皎百年心歲路無多日僧床有剩衾長卿空滌  
器季子漫多金賴有緜袍舊春風定可尋

大觀四年二月二日自采石過藏雲取路回遠少憇已  
入夜遂留宿明日聽師相邀登覽偶見西偏地真一方  
之勝也余方營葬庶幾得之以託妙緣既去因留此詩  
挑菜逢今日藏雲訪近山路紆知晝永心遠覺身閑未信塵埃  
隔猶疑夢寐間佳城更何卜便好輟孱顏

書長干僧房二首

赤手能搏虎青氈不與偷真知外物重未放此緣休平地見山  
嶽排空回斗牛何須待塵劫才許磬前秋

問訊無尺寸順風留歲時傳聞萬金積未嘆一生疲突兀端可想高明還此期他年問初祖却是寧馨兒

姑溪居士後集卷十終

姑溪居士後集卷十一目錄

絕句

和東坡贈嶺上老人

閒居五絕

題柳氏園

書真公軒

偶題

首夏

晦迹

餉茶不容少待

罷官後稍謝賓客十絕

次韵李方叔宋鎮立秋五絕

與晉卿相別

水仙花

初得馬騎

題朱砂湯

石蟹

再次韵致君

得延之書書尾戲答

卞忠烈公墓

冶城

宿天禧因書壁間

正上人求書

書吳江垂虹亭壁

書張君書齋窓上次其韵

次韵牡丹四絕

試陳贍墨十絕

偶書

過阮邊亭再見吉先之

姑溪居士後集卷十一目錄終

姑溪居士後集卷十一

趙郡李之儀端叔

絕句七言

和東坡贈嶺上老人

過眼崎嶇等劫灰到頭榮悴本誰裁  
須知此老心如鐵看盡行人幾往回

間居五絕

簷間百轉已新聲枕上千山尚未明  
老去只知難得睡兒童何用報陰晴

身世低回不自期箇中消息更誰知  
江邊折盡青：柳才見雲



頭月畫眉

楸花落盡棟花繁  
門巷人稀半是村  
好事憑誰消濕熱  
一簷涼雨下黃昏

庭前日轉綠交陰  
坐上風來境自深  
度曲已嗟千里客  
聽蟬空寄兩頭心

江南塞北遍曾遊  
一飯何方不可留  
快筋舊嘗便墮耳  
垂涎安得飲壇頭

題柳氏園

昔年車馬遶芳叢  
倒盡金缸臥醉紅  
可惜穠華俱掃地  
兔葵燕麥自春風

書真公軒

松陰苔徑曲盤盤  
古殿殘燈右殿間  
却羨老僧無個事  
一生長伴白雲閑

偶題

新荷點水麥花齊  
一抹殘陽弄淺暉  
回首西山歸未得  
片心還逐暮雲飛

首夏

嬌紅掃盡綠陰成  
便覺庭虛暑氣生  
旋拂藤床方竹枕  
不妨鼻息作雷鳴

晦迹

悔迹丘園敢自圖  
幸逢泉石作幽居  
明窓隱几有餘樂  
一炷清香臥勸書

餉茶不容少待二絕

玉骨冰肌體自輕  
非關茗飲覺神清  
無端墮落紅塵裏  
碾就雲腴不許烹

厭厭酒病結春陰  
鄰笛傳來恨更深  
擬借好風擘袂去  
過雲佳處託知音

罷官後稍謝賓客十絕

適從頓謝懶尤添  
倦臥終朝不捲簾  
晚飯都無官米氣  
始知身已是蒼黔

獨展離騷吊逐臣  
尚存殘角報重圍  
時節自新人易老  
未應閑處似他人

憶逢新火客秦川  
綉嶺歸來浴煖泉  
從古盛衰如反掌  
纍纍何地不新阡

旋營香火拂塵埃  
市井聲傳隱處來  
雷頓覺林泉歸已晚  
姑從閑處看蒼開

貪着崎嶇信可羞  
誤將鬼錄作天遊  
東山自是力不足  
細論前途有底憂

春風浩蕩思無涯  
老病索仍苦恋家  
推枕不知真早晚  
小窓披雨一庭花

極目洗一作湖光徹骨清無風猶覺尚堅冰心安處、皆可樂未  
必西南是得朋

十仞驚端拂面寒恐人如在百勝竿飛雲舞鶴形容處英爽端

疑共此看飛雲舞鶴東坡咏懸水語參  
寥方誦以契日前因借為句

求田問舍本無期廢棄衰年遠此時未擬沃州那舊隱且從新

託試維持

何須嘆五鹿皮翁得句真能發笑容誰謂祖風無與寄寸莛終

愧觸洪鐘再堅參寥經營  
第故卒章及之

次韻李方叔宋鎮立秋五絕

渡口人歸月上鉤蕭蕭風葉荻花秋因君指出詩人語便向庭

前欲買舟

雨閣烟昏蔚不問時、白鳥去還來相逢都是江湖上莫為人

聲却自猜

秋熱春寒花不老雲濃日薄雨頻侵共言今歲魚徧熟舊網須

教展一尋

撈蝦摸蜆幾回來斗笠蓑衣安在哉將謂此生緣已斷登臨不

覺眼重開

南北區區浪自催不妨隨遇且徘徊鱸魚白酒何須得一醉端

從好句來

與晉卿相別忽復春深得書見邀

留陶淵明把酒碗送陸修淨過虎溪曾次九流清似鏡人間萬事醉如泥

水僊卷二絕

得水能仙天與奇寒香寂寞動冰肌仙風道骨今誰有淡掃蛾眉翠一枝

借水開花亦自奇冰沉為骨玉為肌寒香自壓醪醖倒只比江梅無好枝

初得馬騎

余有二馬寄他處

有兩龍駒慰陸沉四年河海每關心今朝款段聊乘興雙鑠猶堪寄好音

題朱砂湯

憶同德曜涉歌蒸欲濯湯池竟輟行憔悴獨來琴瑟變滿懷誰識淚縱橫

石鱗

泉泓石蟹如烏頭一種為類太微生此地逢君宜見假纒方入手便橫行

再次韵致君

地平名病鎮昔有兩美人來浴異香累日不散

華清賜浴記當年偶托荒山結勝緣未必興衰異今昔曾經天女卸金鈿

得延之書書尾戲答

齒豁頭童老可憎  
艱難相值歷何曾  
吹簫問渡愧未達  
終有心頭一點蠅

卞忠烈公墓

叢篁灌木兩霜晴  
忠孝巖三父子名  
舉扇西風雖自潔  
受遺不至六何情

冶城

冶城昔是王公宅  
鵲噪烏啼異昔時  
不見犢車催塵尾  
莫年惆悵蔡家兒

宿天禧因書壁間

月墮風休夜已深  
寒衾展轉不能禁  
一番過眼知何處  
惟有孤

燈識此心

正上人求書

火滅窓晴冷似冰  
隨時活計自修行  
客來若問真消息  
只有觀音是證明

書吳江垂虹亭壁

三十年驚一世人  
衣中空有淚痕深  
他年不為鱸魚膾  
聊欲江干卜近鄰

書張君書齋窓上次其韻

眼力無窮面窓知  
君心不在西涼聊  
將浮世兩重足  
共借明朝一線長  
時冬至前一日晚

次韵牡丹四绝

朝陽燦々欲爭流已過群紅盞自脩  
發盡妖妍猶未歇天機終待几時休

雲低雨細靜無風似着精神染異紅  
駐輦慈恩賞佳句若論今日定誰工

蓬萊宮闕有神仙解釋春風欲閉妍  
不是踈狂曾迹物肯將飛燕謂當前

我老迂踈合灌園強來乘郵負初暄  
多晴似識伊川舊宛是韓公第一根

試陳瞻墨十絕

陽開總新一聲歌已覺離愁萬斛多  
誰信郵亭檻車際便驚風露隔閨河

珠簾弄影不驚塵百憶恒沙認此身  
轉盼回眉已陳迹那知猶作未歸人

門無閑鎖何由出案有詩書敢自期  
尋到古人留意處絕勝把酒聽歌時

大恚予吾為有身縱橫顛倒竟誰神  
祇應靜處天真在且作斯須自在人

雄襟因環半倚山市聲風順響潺々  
從來省事惟便靜他日端能憶此間

春未多病聖頭中歌聲双青笑拂紅今日閉門常靜坐始知身  
世已衰翁

萬口弥陀：飯前西方境界每依然何須更學王文度那處元  
非極樂天

今年四月未聞雷赤地從何問宿黃劔戟埋身均是死生增逋  
欠踏門催

十年不去有如何得少何須較失多大是駒奴必千里功名他  
日莫渠魔

臥聽風聲坐見山此生長寄有無間等閑撇起能知病莫厭蕭  
雪滿顏

偶書

風吹蘇小門前柳雨暗羅敷陌上桑遙想九江春色晚被花惱  
得少陵狂

過玩邊亭再見吉先之

姑熟溪頭近請遠玩邊亭上再相期留連話舊忘塵慮把盞擘  
碁得自怡

姑溪居士後集卷十一終

姑溪居士後集卷十二目錄

絕句

杏花白鷗

竹鶴

黃精鹿

荷葉龜

惠崇扇面小景二絕

讀華嚴經三絕

學書十絕

故人李世南畫秋山林木平遠三首和韻



出院有期

再和觀畫三首

路西田舍示虞孫小詩二十四首

蒙恩惠朋樽深佩眷意聊奉一嘯

伯成已歸尚阻雨會聚聊申短唱容易一笑

試筆柬趙德麟二絕

姑溪居士後集卷十三目錄

姑溪居士後集卷十二

趙郡李之儀端叔

絕句七言

杏巷白鵬

朝來雨過發妖妍向月枝頭雪作團縞練長拖輕洒墨不須將  
作兩般看

竹鶴

瘦玉蕭疎觸處宜仙風一霎散霜威未應舞罷排雲去更看丹  
砂理雪衣

黃精鹿

綠遍前峰到後峰  
露苗厭地幾千重  
勾斑養就無人見  
多少狂心欲採葺

荷葉龜

翠蓋相扶兩不歌  
多情獨許見陽窺  
千年自有逃形處  
聊與清香約暫時

惠崇扇面小景二絕

耳冷無人唱竹枝  
歸心惟有夢魂知  
楊花撲面烟波濶  
猶記征帆欲卸時

風高雨暗不成群  
欲下還飛似畏人  
已是却尋歸去路  
江南休笑水知春

讀華嚴經三絕

紛紛作客不歸來  
樹本無根何處栽  
彈指未應超十地  
重樓閣一時開

老境侵尋上砌苔  
自然生意不應裁  
便應烈日鱗去  
能得愁懷几度開

法令端如萬頃陂  
後來無法只趨時  
早知興廢無非命  
可咲穰侯見事遲

學書十絕

雨後堦庭物物新  
唾餘歌枕悄無聞  
只疑日脚隨人意  
百刻香縵過一分

寶米齋  
簾波不動地無塵久與相親燕雀馴似怪哀翁長靜坐時時回  
眼輒疑人

未逢四祖且堆堆終見龍潭便眼開龍去潭空人自老柳花百  
鳥漫飛來

閉門不語信深湛豈可談時作酒箴料得門前無好事解嘲聊  
復寄初心

不堪細字眼尤花熟睡分明暫到家何獨能收小兒淚客中時  
可當乘槎

玉壺試叫鴛鴦語為問僂豕似此無養就丹砂早歸去不妨閑  
處作功夫

大人相好一百種幾劫修來得到今不猶普賢能演說淘沙個  
個得精金

萬里無雲天一色單衣不試似初春鷓鴣吟遊絲墜未必他  
時得此身

歌詞謾與收狂念詩句聊將代欠伸鉤棘徒勞剝胃腎筆頭終  
住已成塵

心非可見舌能陳隨語成章自有神用作功名終底事區區雕  
琢定痴人

故人李世南畫秋山林木平遠三首和韻

晚烟拂々聚無痕瘦骨稜々見微根細露索行飢馬疾牽頭新

月是前村

曾經歲月幾華夷  
兩貌風顏茂晚姿  
自是雪霜心共老  
筆頭聊復戲孫枝

霜清木落見沙洲  
上人家半在舟  
射雁啼來魚滿筍  
甕中先更問扶頭

出院有期

親舊相逢似隔時  
從今無復念歸期  
莫同更寫句連根  
只擬添成百首詩

再和觀画三首

掃除不盡自無痕  
底事狂緣尚有根  
幾日

圖畫裏祇緣歸

思在江村

何時船上載鸚夷  
海道聊尋一問姿  
不為丹青生着相  
從來卷曲是吾枝

欲問船師覓寶洲  
須將大觔作腰舟  
掀天白浪蛟龍吼  
總得隨流一點頭

路西田舍示虞孫小詩二十四首

雪上歸來遇了春  
枝頭杏子可嘗新  
旋追老酒醫佳况  
更謝提壺解勸人

一春霖雨不曾休  
雪雹驚人四月頭  
初製單衣方待着  
却添爐火換重裘

寶齋  
夢回簷滴不聞聲殘月披窓分外明投老逢春能幾許不堪催  
去與誰爭

扶老相邀到隴頭麥苗如洗未全抽願天不雨只一月聊慰艱  
辛望半收

栽桑植柳展溝塍共趁清明力倍增分得只般窮伎倆却應苦  
行過于僧

脩車浸種一番心肚熱鄰家見早秧飽飯未驚心已懶方知生  
計要商量

一生看得幾輛屐一飽消得幾多糧兩望晴心不歇白頭搔盡  
眼望羊

須知官職為他人老去何妨可問津客賓歡娛童僕飽到頭活  
計定誰親

從來人說水晶宮投老方能到眼中未必吾生便休去溪山隱  
去再相同

鴉兒成隊草成茵來往馴鷓喜趁人却恐城中無此况莫辭辛  
苦且逡巡

疊々柔條動懿筐森々初穗弄微黃引鷄飛去蒙朝雨帶犢歸  
來臥夕陽

東園掃場方整歇挿秧車水又相催衰年染得身強健常願南  
山到眼來

蘆已藏人水鳥喧草堪留坐午風寒從來偏得田家趣遮莫催  
歸興已闌

雨後西風日日顛重裘猶自覺輕單春寒秋熱江南候四月如  
何尚有寒

轉午風休陡覺暄綿衣脫盡旋開軒乍寒乍熱難調御厚薄隨  
時体自安

見事遲來五十年何須投老念艱難暖衣飽食無過此誰是年  
魚上竹竿

敗春蘿擔鴈行來任是因塵亦易推一歲艱勤方有味較量猶  
勝上燕臺

朝衣行市頭顛落六印垂腰手足分旋煮河豚如鯿膾爭如間  
處醉醺

荷錢貼水蠶如蟻稻似針芒楳未丹牛角叩殘歌轉路請看平  
地有波瀾

百事無能一老夫十年江上把犁鋤西莊南畝時來往常得青  
山在坐隅

青山于我豈無因到處抬頭便見親時更一班逢好句玄暉端  
恐是前身

坐歎宣城迹已賒青山今日屬寒家多情負客門如市不獨風  
流解染蒼

數畝田荒積漸耕常憂堪損害垂成傳聞趙魏推盟主便覓如  
雲照眼明

水已平漫柳已綠洞房猶記鏤婢娟彩雲易散春常在啼鳥  
人尚可憐

余既觸罪苦遂與時忘求所以寄其餘生者無如躬耕為  
可樂適有田數頃分兩處或舟或車往來其間隨時抑揚  
以寓其所樂而地薄農拙種種輒身履之然天時一不相  
契則其至于數倍雖終歸于有數要是營求完補幾頃刻  
不得暇旁視若不余堪而我之樂常在也比自湖州歸避  
迨所值者如此因以其勞苦之餘發為呻吟隨得隨緝得

二十四篇與田夫蹈歌無異要乃借以自舒則其流皆爾  
也虞孫遠來相顧以此軸見邀作草字字非所工又無以  
充之遂寫以塞責庶幾余所樂者從而可見異時相携于  
其間當知無一字虛設政和五年五月十七日

蒙寵惠朋樽深佩春意聊奉一噓

萬國衣冠拱醉容釣天夢斷失雲龍多情尚寄當時約宛似闍  
黎餘後鐘

伯成已歸尚阻雨會聚聊申短唱容易一笑

髯友新從塞上回中元樽阻未能開更堪庭付添幽思只欠清  
風玉雨來

試筆東趙德麟二絕

河朔初辭爨折骸都城還許謝煩埃日長窮巷春歸後萬綠陰  
鎖翠臺

窓間多病委枯骸陌上初收雨後埃公子風流過京兆正堪眉  
無傍妝臺

姑溪居士後集卷十二終

姑溪居士後集卷十三目錄

絕句

次韵見寄兩絕

贈人一絕

再和仇粹夫

祈澤寺龍池

題虞氏外孫扇

失題二絕

次韵子椿五首

又次韵三絕



挽詞

旌德王承議挽詞

錢君倚夫人仙源郡君挽詞

俞清老挽詞二首

陳氏母夫人挽詞二首

雜挽詩二首

詞

次韵子瞻追和淵明歸去來

朝中措二首

臨江仙二首

蝶戀花

姑溪居士後集卷十三目錄

姑溪居士後集卷十三

趙郡李之儀瑞叔

絕句

次韻見寄二絕

江湖流落久相依  
每嘆朱顏戲彩衣  
何事淚痕書上見  
他年千隴約同歸

七分年紀十分愁  
物理乘除不自由  
死葬身遊今得地  
却嗟無計共遲留

贈人

雙雙小葉襯花房  
只闌花房不闌雙  
拾得不教同伴見  
袖中拈

出一齋降

再和仇粹夫

曾寄冰綃十幅開竹間紅藥燕啣來黃筌已去風流盡忽見詩  
翁筆下催

面面軒楹壓水開暑天端恐雪飛來冰肌玉骨元無汗更倩殷  
勤執板催

祈澤寺龍池

池方一尋深寸許泉脈涓涓縈砌臺聞道旱天能作雨定應變  
化自何來

題虞氏外孫扇

處已其辭三經陋讀書須及五車多成吾宅相非吾志直欲五  
門脩四科

失題二絕

投老還家解肉消霜天何處換金貂一樽帝所歡猶在翻恐醒  
來尚寂寥

楚國曾聞照乘珠間因齊盜取為娛人亡人得何須計端有龜  
腸恨晚尉

蕭世誠軍發日而糧道不繼軍中號曰軍尉過  
午不開定非龜腸蟬腹可伴一戰手遂潰去

次韵子椿五首

會次定多古語筆端無復時流翫  
若非投分崎嶇肯共經丘  
昨夜中天好月今朝數試終場  
遙想客窓對酒未知野飯同堂

踏碎瓊瑤聊步行陪笑語多時一段難逢往事五篇消得新詩  
龍欲興雲致雨虎能墮地能斑端是便騎賜馬不須深恋豕山  
附見誰為鄒湛獎成無復山濤豈敢遽名此地不如且醉歸舸

又次韵三絕

款步昔陪下澤劇談今媿高流又喜秋來相見暫同南陌東丘  
華屋暫離星斗滄江歸弄波濤可得處博來信便知却整還舸  
早日能詩傳喜新來投筆從班身世且依魏闕烟雲休恋鐘山

挽詞

旌德王承謀挽詞

彭蠡湖邊一笑初綠衣相見論葭葦四千里外空搔首三十年

間屢攬鬚方卜他時共蘭若豈知今日奠生芻窮途只有思君  
淚無復吟君屋上烏

錢君倚夫人仙源郡君挽詞

春生復秋落物猶帝力哀哉勛勞恩自藹至誠貫棘心詠詩  
人常恐一旦失何乃不我報皎々如白日痛哉胡為生每念氣  
填臆仰君猶長唐華髮萃衆德歲時捧金樽門戶幾萬石常云  
我有子未易先尺璧伯仁非碌々到此輒自惑庶幾德有相睥  
睨莫我逼頗聞君有言既跌不見譚李杜苟齊名死且不足惜  
孰不斯言愧謂君壽無極豈知屬續書何為在吾側堂々古益  
友千載同此室撼鐸儻能參我淚不虛滴

俞清老挽詞二首

生涯真斷梗身世委虛舟直欲超千劫都将付一漚縱橫無滯礙遊戲任沉浮報盡隨緣去聊從一篋休  
寒食相披拂方時欲遠然君應尋故約我亦赴新阡但怪沉來鴈那知已逝川風流有千里未愧昔人賢

陳氏母夫人挽詞二首

白首嚴冰雪清風逼閭里空殘貝葉偈不見錦囊書表表名終在說說慶有餘會如華夏約他日看高車  
子令人空毀孫賢我故欽成家信如玉傳世果非金不作尋常去方知積累深天花長滿祇應悟本來心

襟挽詩四首

報地三千錄年光八十春却尋來處路重接社中人杖履空平日憧憧想去塵蓮開布金底又見一番新

方報先同冗俄聞改葬期祇應借老約不擬異他時已矣如何憾賢哉有剩悲會看松柏路賜篆聳豐碑

漢室傳經後唐朝舊族家柔明惟典則專靜輟粉華得配同高壽流光固未涯定應知去路門外列三車

子令欽平昔多漸接後遊升堂稱有志執奠嘆無由逝水空歸壑春風忽變秋蕭聲到原盡千載相風流

詞

次韵子瞻追和淵明歸去來

歸去來兮吾其老矣何時歸悟鳧鶴之長短鑿斷續之哀悲悵  
野馬之過隙雖絕足而寧追予行年五十有五蓋知五十四年  
之非須前因以命駕豈大寒而方衣茲物理之必至又何資于  
發微吾家不遠可改可奔解我簪紱即吾蓬門里閑雖異室廬  
具存稱所有以取給尚奚擇于餅樽課童僕以供役玩幼稚而  
開顏將有限以加節異無適而不安從賓客之參戶任風雨之  
當閑足可及而必到日可盡而必觀非梁燕與庭鵲孰朝往而  
暮還寄終日于兀兀絕妄心之恒恒歸去來兮聊隨緣以遨遊  
何吾鄉之必歸姑稍足而無求等天地于逆旅曷此樂而彼憂

有客過門而問予何不返乎先疇羊腸縱轡夜壑移舟空斷梗  
之因風味死狐之首丘但俯仰以托物徒上下以通流予既謝  
夫不敏願進言而少休已矣乎候蟲以其能知時禍生有住神  
豈留羨其可久將安之焉用必歸去自想修乃其期想荒蕪之  
六鑿時載耨而載耔幸溷然而無着遂寓懷于此詩豈前人之  
敢及庶知予自信而不疑

朝中措

望新開湖有懷少  
游用樊良道中韵

新開湖水浸遙天風葉響珊珊記得昔遊情味浩歌不怕朝寒  
古人一去高名萬古長對孱顏惟有落霞孤鶩晚來依舊爭  
還

又樊良道中

敗荷枯葦夕陽天時節漸闌珊獨泛扁舟歸去老未不耐霜寒  
平生志氣消磨盡也肯得蒼顏寄語山中麋鹿斷雲相次往  
還

臨江仙

江東人得早梅見約探題且訪  
梅所在因携戲管就賦花下

初破曉寒無限思融融腸意全迷春工從此被人知不隨蜂蝶  
長伴玉蟾低 縹緲雲間應好在盈盈淚濕征衣背人偷拗向  
東枝清香滿袖猶記畫堂西

又

病中存之以長短句  
見調因次其韻

病裏不知春早晚驚心綠暗紅稀起來初試薄羅衣多情海燕

還傍舊梁飛 瘦損休文誰記得空將銷臂頻圍眼前都是去  
年時不堪追想魂斷畫樓西

蝶戀花

席上代人送客因載其語

簾外飛花湖上語不恨花飛只恨人難駐多謝雨來留得住看  
看却恐晴催去 寸寸離腸須會取今日寧寧明日從誰訴怎  
得此身如去路迢迢長在君行處

姑溪居士後集卷十三終

姑溪居士後集卷十四目錄

贊

觀世音贊

維摩居士贊

慧嚴永長老贊

西庵琳老真贊

常州薦福瑄老真贊

雲門大師真贊

雪峰真贊

晦堂寶覺真贊



李太白贊

姑溪自贊二首

李伯時畫姑溪濯足圖贊

董老畫姑溪贊

李伯時畫馬贊

銘

銘歛硯

當塗硯

丁希韓圓硯銘

寧先凝福院鐘銘

廬山承天羅藻院第九代南禪師塔銘

姑溪居士後集卷十四目錄

姑溪居士後集卷十四

趙郡李之儀端叔

贊

觀世音贊

大慈大悲大威德普陀落山住孤絕三界輪迴苦熱惱一聞我  
名自清涼名雖可聞見不得隨所建立即如見施者受者不退  
心常如心在光明裡

維摩居士贊

毗耶離城此去幾許一觀慈光如到其所八萬四千翻風駕雨  
枯者即榮墮者斯舉周徧恒沙了無一語

慧嚴永長老贊

我昔同登法雲地道場不異耆闍山指出後身自在通當日曾  
聞新受記秀眉明目壞色衣誰其寫作比丘相只這便事紫金  
客在在處處咸恭敬

西庵琳老真贊

西庵老人誰不贊嘆東轍西蹊路頭坐斷維三昧力化身千百  
北雨南雲青天霹靂豈待形容何處不見湏知鬧市裏便是百  
草頭薦

常州薦福瑄老真贊

院有毒甚古

無形而襲人之鼻者香不謀而同人之舌者名名因香而及遠

香因名而有聲然則紅梅老子固如是乎闍投明即明隨波逐  
浪應物現形夫是之謂驢手佛脚而真得無學子保寧者也

雲門大師真贊

織得蒲鞋無脚着大雪漫山却伸脚勸人枉了三則語傳家只  
用一字錯至今見孫滿天下伸頭縮頸如鸛鶴捩轉背面有商  
量學得馬騎被驢撲

雪峰真贊

滾球輸了一隻脚答語失了一隻眼却將兩隻殺人手不是撈  
蝦只摸蜆踏翻船子月是誰撞破烟樓如掣電樹倒藤枯笑呵  
：春光更覺家々遍

晦堂寶覺真贊

不勉而中不思而得從容中道是為極則胡來胡現漢來漢現  
隨所運用莫非方便在途求遠知深味淺頭上安頭以口為眼  
以相而現略無異同一有所扣則猶撞鐘緣不我契漫爾形容  
稽首導師如日方中

李白太贊

龍不可手虎不可縛矯世路彼自清濁醉遣脫鞵孰貴孰賤  
弄月滄波萬頃一線圖畫如好雖曰糟粕對之超然鯨尾欲捉

姑溪自贊

蒿目以遊于世鉄心以踐其志有時端委以即事忽爾賣針而

買醉豈所謂逆行順行莫測者歟蓋得之自是不得是以聽天  
命而已

又

偶乘扁舟一日千里若遇勝境終年不移故能屈御手調羹而  
親餉命力士脫靴而不疑予私淑諸人也故欲與之同歸鴉然  
于腮而不售羊然遶額而犹痴人固欲其售爾謂之癡也予方  
遊戲以隨時

李伯時畫姑溪濯足圖贊

濯余足兮寒泉振余衣兮古丘洞胸中之滯礙眇雲散而水流  
識此行之非禍乃造物之予休

董曼老畫姑溪贊

野老形容公子刷研謂俗則數珠掛于臂上謂生則鬚鬚滿于  
頰下以我為牛則為之牛以我為馬則為之馬不妨隨俗流通  
何必分真辨假

李伯時畫馬贊

飲不以臭投不以趾雖夢亦然理自應爾吾師東坡嘗有是語  
天札所同維伯時父東坡形容伯時位置曹韓少陵俱落第二  
吾私淑諸恨隔九泉筆頭落處幾至潛然

銘

歙硯銘

琢玉得月惟黠之珍洞路下求匪人能因謂物必致有燥有潤  
一槩之墨其質始信彬：惟覺用發其藏文心綉口波瀾焜煌  
無窮方習無衄所長物與人俱靈璧之張

當塗硯

青山之英采山石之靈上凌汗漫下為堅青磨礪八極色容四  
溟爛若星日隱然雷霆揮灑之餘沾丐後生永寶用之尺璧可  
輕

丁希韓圓硯銘

潤如玉圓如盤承以鼎足貯之孔安甬書鍾玉甬文揚韓濡毫  
其間弗羞爾顏

寧先疑福院鐘銘

於皇惟覺務施之博肆及大声以時而作靡昏不驚無隱不推  
一聞其舉振滌躑躅猶闇如燈如病得藥下徹幽冥旁周廣莫  
濬哲吾君乃眷忠恪薦之焚修爰命索齋肇自尚方表以傑閣  
念往既深圖今尤卓去識弗昧孝思永托普既有情同資利樂

廬山承天羅漢院第九代南禪師塔銘

師一日晚沐浴次日早更衣升座白衆既歸方丈即跏趺而逝  
其語有倒騎鉄馬逆上須弥踏破虚空不畱朕迹之句寔紹聖  
元年三月二十四日也時氣候早熱居五日乃就木儼如平時傳  
聞四方為宗門希有之事異時師友人上饒子章遇余于京師

與之遊久且相好也有間出其所述師出處經行大畧示余  
讀而壯之茲恨師不得而見也已而從余求銘將刻之石以詔  
未來之日嗚呼師既不得而見矣其示寂之際能結信心者如  
此其住世抑揚者又如此余銘其可辭耶師諱系南汀州長汀  
人姓張氏甫十歲告其親願從學佛者遊久之方得請既去凡  
三年不歸其親思之因携酒饌就見命其師同饗師怒亟請徹  
去曰汙蟻如藍罪入無間親與其師皆有愧色其後偶庭下初  
植栢秀茂可愛師以一頌示其師始異之遂不復以世諦事  
累師尋得度受具戒嘗与其屬海評營所事忽流涕語評曰吾  
佛有出世妙法而我與若反局促于名相間不求自利利他以

達究竟斯有負于一報身矣乃相與偏叅善知識初見開元潭  
又見隆慶開仰三偉三人者一時之所臻湊皆謂法師器也雖  
降意延挹而師終不契獨于開元賦中秋月頌會中有百餘衆  
悉為之歛衽晚遊湖湘入道林元祐之室然得密符心印自是  
不復遠矣祐遷羅藻師起據第一座祐命立僧就學者日盛祐  
退席師遂繼之時年三十有九 年學者至頃東南又以其  
餘力棟 陋若未及者皆一新之壽四十有五僧臘二十

奉全身建塔于院之西昔師與海評


遊歷同院惠深者

夢二大蛇一角黑章長各數丈遶院三匝騰躍而去黎明師與  
評別深以所夢告且屬之曰二子善護持他日吾門龍象也後

評住開元與師相鄰俱得名叢林間號廬山二龍云

銘曰作如是因得如是果只如是行成如是事于大摠持證如  
是義不漏丝毫不落第二亘古亘今普天匝地若乃動着粉不  
雜粉碎所以倒齋鉢馬逆上須弥踏破虛空不啻朕逆嗚呼如  
是如是

姑溪居士後集卷十四終



寶光齋



壽